

Seese-Seese

CP


Tono

4

Deftere

4

PUJAR
SAVAN



République du Sénégal



Ministère de l'Education nationale

Vente interdite



Pulaar

Seese-seese

Tolno 4 Deftere 4

Édition 2018
Réimpression 2020



Avis de droit d'auteur : ©2016-2021 projet Sénégal Lecture Pour Tous pour l'Agence des États-Unis pour le développement international (USAID), contrat USAID n° AID-OAA-I-14-00055/AID-685-TO-16-00003, géré par Chemonics International. Tous droits réservés. Cette aide provient du peuple américain et est financée conjointement par l'USAID et le gouvernement du Sénégal.

Ce travail est disponible sous la licence Creative Commons Attribution 4.0 IGO licence (CC BY 4.0 IGO) <http://creativecommons.org/licenses/by/4.0/igo>. Sous cette licence, il est accordé le droit de copier, de distribuer, de diffuser et d'adapter ce travail y compris à des fins commerciales selon les conditions énoncées de la licence CC BY.

Loowdi deftere ndee

Cumu ladde	4
Loorngo ledde e nder wuro walla e nder leegal.....	20
Bojel dañii ordinateer	36
Widto e nder enternet	52
Portaab Boyi	68

Cumu ladde



Wadii sahaa, waandu wooturu, gila ndu
jibinaa, endu sooynoo wuro yimbe tan.
Dum **booyii**, endu haawaa, no aadeebe
mba'i, ina ndilla, **ina** njaha, ina ngarta.
Heen sahaaji, ndu yi'a ebe ndemoya gese,
ebe ngonda e besnguuji mabbe.
Yimbe ina naata kadi e ladde tawa ina
ngondi e na'i, baali, be'i.
Dañi ñalaande wootere, baadi ceedii
sukaabe aynaabe, ina ñabbi e dow lekki.



Di pudđii sikkitaade wonde bee yimbe
emin nanndi, be ḥabbat no amen.
Yanti heen kadi, minen fof, emin
kuutoroo ladde e ngaluuji mum.
Waandu fini, wi'i : alaa e sago, annda ko
nedđo wadata gese.
Ndu joodii haa booyi tan ndu sooynii
demoowo ina wakkii jalo mum.
Nde oon naati gese, waandu diwi galle,
naati, woni e sunnaade.



Haa ndu yi'i ko woni toon koo, e ko demoowo
wadata doon.

Ndu yalti ngesa baa, ndu naatti e ladde
hee, haa wadi lebbi.

Waandu arti yeeewtaade ngesa, ndu tawi
eba jokki gulle, haa ba wufti.

Hankadi, hakkille mayru woni e yidde
tintinde koreeji, wonde ngesa baa ñaamnii.
Ba wadi danwindi, ñewñewi dii layi,
mbirginii, haa mbadi piindi e kalaace.



Deeneeri dene ɳaale dii ne njibini, pirndille,
buude e jayeeje ko noon.

Ngesa baa wadi yaakaare mawnde no feewi,
hankadi yimbe fof nji'i moyugol mabba.
Haaletee e wuro tan ko kamba, gooto fof
ina yidnoo hono mabba.

Kono pulaar wi'i : « Neddo wonaa ko yidi
dañata, ko ko dañi tan bamata. »
E ngaal kolangal, gese baade noon
keewaani, kono yidbe hono mabba
pamdaani.



Waandu nduu arti doon, yi'i no ngesa baa
weliri jeyde nii.

Ndu felliti noddude koreeji mayru,
yo ngar hankadi ngesa baa welii ñaayde.

Go'o, hay gooto dawaani e mabba, didi
kolangal ngal ina yeewi.

Baadi ina ngara, mawdi e tokoosi fof
mbadi gorwoccol haa di njettii.

Di ndiwi galle oo, di naati e ngesa hee,
di puđdii ñaamde.




Dii ina kela gawye, diya ina naala
pirndille, goddi ina boora kalaace.
Kala ko fudnoo e mabba, di ñaami dum tan
haa laabi cer.

Demoowo ngesa ari yeeewtaade, tawi gawye
e deeneeri, ñewñewi, fof ina ñaamaa.

Dum muusi mo no feewi, kono ko bonatnoo
bonii, waawaa feewtude.

Heddii ko yeeewde feere, hade ko wa'i nii
wadtude e kolangal hee.




O felliti wadde tuufol, mbele omo jagga e
baadi hee haa heewa.

Tuufol ngol nanngi heen wooturu mawndu,
yimbe mballi mo, ndu nawaa wuro.

Hankadi, yimbe wuro fof ngari catii
waandu, bee ina mbi'a : « Mbaree ndu ! »
Heddiibe bee, ina mbi'a : « Piyee ndu,
nduppee ndu, njoolee ndu. »

Haa juuti, demoowo oo wi'i be : « Kedo-dee
kam, mi yiitii feere moy'ere. »



Tan yimbe bee fof, bamti gulaali : « Holi
ndeen feere ? Holi ndeen feere ? »
O wi'i be : « Kedo dee, dii baadi mettinii
bernde am no feewi.
Sabu baa doo ngesa, daminaare am ina
mawnunoo e mum no feewi.
E kadi wuro ngoo no fotiri, ina weltinoo e
no ba waanoo nii.
Wadde ko ba faaro wuro ngoo, gooto kala
ina holliri heen weltaare. »



Dum fof e waade noon, feere makko ko
lebtude ndu lebte mawde.

Be mbi'i mo : « Haalan min nodeen lebte
mba'ata, min ngannda dum. »


Doon o wi'i be : « Ngaddanee kam yamre
hudo mawnde e baaji keewdi. »

Duum addaa, joddinnaa e yeeso makko,
tawi waandu ko ko tonngaa.

O yetti yamre hudo ndee, o habbi dum e
laaci waandu hee.



Yimbe bee ina naamnoo, hol ko oo
demoowo yidi wadde nduu waandu.
Tan o wi'i heen gooto, yo hebnu mo docotal
badngal lewlewndu jayngol.
O hebi, o jabniri dum yamre hudo,
habbidaande e laaci waandu ndee.
Tan ndu tonngitaa, yamre hubbi,
waandu diwi, fa'i dow tiba, ka hubbi.
Gulaali ngulli, yimbe pa'i toon, ndu diwi
kadi ndu ñoggini e ngodka.




Kaan ne ruppitii jayngol, gulaali ngulli,
ngaddee ndiyam, ngaddee ndiyam heewti
wuro.

Wuro ngoo sumi tan haa wonti ndoondi,
waandu yalti wuro fa'i ladde.

Yimbe ndewi heen, bee ina njuppa ndiyam,
beya ina lappira cate ledde.

Ladde ndee ko heewnde hudo e ledde kala,
jawdi ko heen oorata.

Yimbe bee ne, ina kuutoroo nde no feewi,
ko e mayre teenata ledde.



Hudo, ko toon hesetee, ledde ndee ladde
buri heen heewde ko besnooje.

Dum wadi, bogguru bibe ledde nduu ina
huutoraa, etee ina addi nafoore.

Ladde ndee sumi, wuro sumi, ngesa
bonnaa, dum wontani be mettere mawnde.
Wuuranoo ko e gese hee, e ngaluuji ladde
hee, hodanoo ko wuro.

Faayre wadi, sabu, fa'aa ko e cadeele
mawde, kaabniide, de mbeebaani safrude.



Haa teenti noon e nguura yimbe e jawdi,
e peewnitgol cuudi wuro.

Be noddi batu, sabu kaa doo ngoya no foti
nii, maa haaldee.

Yimbe wuro ngoo fof nootii alaa ηakkudo,
rewbe, worbe, sukaabe e mawbe.

Woodi gadiido yettude konngol, wi'i :
« Dee cadeele kebde en, ko enen mbadì. »
Won e mabbe, calii ndeen feloore fawee
e mumen, ngori e riiwtude.



Hol ko mbad-den heen ? Ko demoowo addi
feere no lebtirta waandu.

Goddo e mabbe hebbiti wi'i : « Won e men
ne, ngaddiino peeje mumen.

Hol ko hadnoo en jabde deen ?

Maa waandu loro tawa en loraaki. »

Demoowo fuddii faamde, woni e mijtaade,
juumre ndee fof ko e mum.

Dee doo cadeele kebtiide wuro ngoo,
ko e feere mum ndee ummii.



O dañi heen nimsa mawdo no feewi,
ko wadi koo wadii gasii.

O ñaagii konngol, o adii ko yaafnaade
wuro, o feli hoore makko.

O beydi heen, hakkille ina fotnoo addande
mo, bonannde waawnde heen arde.

Yimbe bee ndeeyi haa juuti, woodi biido :
« Minen ne, amin potnoo miijtaade.

So cumu wadii e nokku dowri, do ndiyam
e ñifirde mbeebaani, haamnoto.



Eden poti gollinde hakkillaaji, so feere
yettaama hade tabitineede, yeewen batte
mum.

Hay so demoowo oo juumii, kambe ne won
ko be mbadi heen.

So tawiino, nde feere ndee yettetee,
en teylinooma, dum doo wadataa.

Wuro ko cuudi hudo, ladde ko ledde e
hudo, waandu jogoo jayngol ? »

Hankadi be kawri e konngol, so batu joodiima,
kala tobbere yo yuurnite.

Loorngo ledde e nder wureo walla e nder leegal



Wuro ina wi'ee Boolumbaa, ina yidi
yubbinde ñalawma mum tutagol ledde.
Duum noon ina naamnii darnde yimbe fof e
tiidnaare, kam e nanondiral.
Be mbadi jeeyngal, suka, mawdo, debbo e
gorko fof nani noddaango ngoo.
Ñalawma oo yettii, be ngari e keewal to
galle mawdo wuro too.
Miijo ngoo hollitaa, yimbe fof paami dum,
njaabtii heen haala moyya, coftinoowa.



Mawdo wuro sakkitii haalde, o yetti
addube miijo ngoo haa yettiidoo.

O wi'i : « Ko ko wa'i nii bibbe wuro poti
daranaade yidde bamtaare.

Kala e moodon jogiido feere moyyere,
yaltinoore en e cadeele yo addu.

Gure keewde hannde oo, nawri dumen
caggal ko waasde dañde dariibe nuundube.

Be ngona yarlitaniiibe renndo mumen, tawa
daminaaki heen hay huunde so wonaa
bamtaare nokku. »




Caggal haala mawdo wuro oo, yimbe beydii
soobaade e miijo bamtaare ngoo.

Be ngori e peeje lelnugol njubbudi deen
golle tiindaade e dee balde.

Yo goomu darne, yimbe bee peccoo,
kala fotbe tintineede kaalanee miijo ngoo.
Haa teenti noon, e joodaniido Laamu oo,
e halfinaabe diy'e e ladde.

Meer oo ne yejjittaake, o haalanaama,
maa kabirde ballitooje gollal kebo.

MEERI



Hankadi batuuji peewtudi e juffingol oon
ñalawma keewi, faandaare ndee ko feewnude.
Do ballal ðaminanoo fof ari, peeluuji, pikkuuji,
doosirde, doornde, huurgooji e kabbirde.
Kala tan ko moyyinta tutagol addaama,
mooftaa e nder galle mawðo wuro.
Ñalawma tutagol oo nanngaa, yeeynaa e
wuro hee, yimbe mbadti heen hakkillaaji.
Ñalawma toddaado oo yettii, yimbe wuro
alaa keddiido, suka, mawðo, debbo e gorko.



Joodaniido Laamu oo ari, hoohoobe wodße
tawtora, yimbe gure saraaji dee ngari.
Ballal halfinaabe diy'e e ndiyam bee noon,
ko keewngal, teskinngal no feewi.
Sabu kala ko jogori tuteede, ñande heen e
leikki, ko kambe ngaddi.
Mawdo wuro yetti konngol, bismii be, yetti
be kambe arbe bee fof.
O manti yimbe wuro, haa teenji e jaltinnoodo
mijo tutagol ledde.



Joodaniido Laamu oo jaabtii mo, yetti mo
kanko e yimbe wuro ngoo.

Kanko e hoore makko udditi golle dee,
o tottaa teddungal adaade tutaade.

Mawdo wuro rewi e makko, tutii lekki mum,
heddiibe bee ndewi heen.

Be ñaldi deen golle haa fecci ñalawma,
gardiido goomu wi'i : « Poofto-dee ! »
Golle ndartinaa, be njoodii, haa juuti,
o wi'i be : « On njaaraama dee ! »



Ko pudsi-den koo faade jooni, hay gooto e
men dartinaani golle.

Duum hollirta ko ko fibondiraa gila adan,
woni e berde, feeñi e golle.

Woodi ko meedaa, ndiyam yaraa, softeende
hesere dañtaa, golle bamtaa, weltaare
hebaa.

Noon woniraa haa kikiide, wuro e saraaji
mum, nder galleeji fof tutaa.

Tutiri ndii wadanaa huurgooji haa hawri,
tawa jawdi bonnataa heen hay huunde.



Ngol laawol kadi, ko mawdo wuro tottaa
teddungal yo jaarnu yimbe bee.

O addanaa joodorde makko, yimbe bee fof
taarii mo, tawi ina mbeltii.

O yetti be, kambe e darnde maabbe
yoodnde, nde alaa ko nanndi.

Mawdo wuro wi'i be : « Ngol tutagol ledde
badangol hannde, ko gollal dimal.

Ko adii fof kam, on kollirii wonaa koye mon
tan njid-don wuurande.



So tawiino ko duum wonnoo e hakkillaaji
mon, dee golle mba'ataa nii.

Lekki tutaaki, walla ngaawaaki, toppitaa,
reenaa, ina waawi burde neddo juutde
nguurndam.

Wadde, yontannde tutiinde dee ledde ndee,
wonaa hoore mum tan gollanii dum.

Ende wadani ndee moyyere jontande
garoyooje yeeso, wonaa tan huutoraade
buubri ndii.

Bibbe deen ledde, ko ngalu mawngu,
wonande besngu e renndo ngoo kala.



Ko wonaa dūm koo, dīi duubi en nji'ii no
tobo ngoo ḥakkiri.


Lekki ina jeyaa e ko foodtata tobo,
ina faloo yooro, usta henndu.

Gedel godngel ngel ne, kala njahki haa yoori
ittete, ngodki tutee dōon.

Kiin njoorki, ina waawi wadeede tugaaje
galle, kolowlowe cuudi, walla hubbiree,
defree.

Kañjum, nafoore mum ndee, alaa sikke,
ina yaaji : ina safroree, ina malnoree. »

MEERI



O joofniri haala makko ko e duwaawu,
yimbe bee ne nduwani mo.

Caggal duum, ko gardiido goomu fawi heen
konngudi mum, ngam ruttude teddungal.

Nde o manti mawdo wuro e haala mum
tinndinoowa, njeertinoowa, eka janngina.
Haala makko joopii ko yimbe bee, o holliti
be weltaare o dañi.

O rewtni heen, ko tutaa koo, hol no
reenirtee haa waawa hisde.



Sabu pellital ngal e soobaare ndee,
humpaani hay gooto, d̄um fotaani
welsindeede.

Heewi addude d̄um, ko yebaare e aamre,
deen gede noon mbonnata ko golle.

« Tiidno-den, dee ledde tutaade, so kisii
nafat, enen e taariindi men.

Kisal majje fawii ko e men, goomu
ngaddungu miijo ngoo, dowata golle.

Alaa e sago, jontande kisnugol njubbinee,
tawa bee yoogat, beya ina njarna.



Wodđe bee ina ndeena haa wada dumunna
be lomtondira e golle hee.

So tawii en njabii ndee feere, maa dum
wallu en moyyinde kisnal. »

Woodi jabbe, wodđe heen e mabbe ngaddi
mijooji godđi, kono been keewaani.

Be kaaldi haa be paamondiri heen, feere
adannde ndee jabaa, mijjo wonti wooto.

Be ngori e gollaade, dum rewondiri haa
fawi lebbi keewdji, ledđe ndarii.



De y'eestii, cate dee lañii, baramlefí díi
cukki, mbaðti sooyneede to wodði.
Jikke e yaakaare mawnde ina heen, gaa-
gaa buubri ndii e nafoore mum.
Won e majje bibbe mumen ko ñaameteedé,
nani e nder galleeji hee.
Nafooje kaalaade gila adan dee e moyyude,
jogorde arde dee burata dumen.
Gooto e men kala, ina anndi nafoore lekki
njibinoowi bibbe ñaameteedé.



Nde ðe ndiwi doon, ðe njettii tolno ngo ðe
njidanoo ðe keba.

Faandaare hebbaa, wuro ngoo e godðe
takkiide ðum dee njogii heen weltaare.

Deen gure ne, ina njoodaa lorngo ledðe
ngo ðe ndañi wune ngoo.

Kañum en ne, nafoore ledðe dee won heen
ko yetti dumen.

Mawðo wuro e gardiido goomu miji
yubbinde pottital, teddiniree hoohoobe
wallunoobe ðe.



Haa teenti noon e joodaniido Laamu,
e halfinaabe diy'e e ladde bee.
Kambe dido, be noddi batu, yimbe nootii,
be kolliti dumen mijo ngoo.
Mijo jabaa, yimbe wuro mbeltii, mbi'i be :
« Yo gure godde dee tawtore. »
Ñalawma yettii, fof tawtoraa, be nawdi
heen hollirde bibbe ledde tutanode dee.
Woni weltaare mawnde, gure dee mbi'i
maa njubbin tutagol ledde to mumen.

Bojel dañii ordinateer



Bojel meediino arde ñallande Fowru,
o yettii, ndu jabbii mo gila damal.
Be linngondiri, ebe calmondira haa be
naati suudu, be njoodii, ebe njeewta.
Gooto kala ina naamnoo godđo oo no
wuurdi, e waylowaylooji aduna.
Yeewtere mabbe weli, nde wonnoo ko be
sehilaabe, etee be mbayrii yi'ondirde.
Bojel wi'i mo : « Aan Fowru, a wayrii nande
kabaruuji hodđiibe men bee ? »



Ndu wi'i mo : « Won e maññe be pottat-mi
sahaa e sahaa kala. »

Bojel hebbitii, wi'i : « Ellee beydi bayrondiral
ngal ko jooni beeli keewdi korii. »

Keddinoodi ndiyam dii ne, ina ngoddondiri,
so wa'ii noon, bayrondiral men woodat.

Ko ñum addi kumpondiral ngal, ko en
hoddiibe renndube nokku e nguurndam.

Fowru wi'i : « Mbele ada sikki ñum ina
safroo e oo doo sahaa gonaado ? »



Bojel wi'i : « Hay so fof safrodaaka,
kumpondiral ngal kam ina waawi ustaade. »
Fowru ko ko joodinoo ina darni koppi,
ebe kuccondiri, tan ferlii, jerminii.
Fawi juude mum e koppi Bojel,
ndu wi'i : « No dñum wonirta ? »
Bojel wakkitii sasa, joyyini hakkunde mabbe.
Fowru naamnii : « Hol ko woni nder ? »
Bojel wi'i mo : « Won ko njoopinoo-mi e
nder haala men naane.



Mbii-daa mi, no dum wonirta ?
A yii ngel doo bakanel ngel nji'-daa ?
Ko huunde mawnde woni doo. »
Fowru lubbi bakanel gite, endu yidi
anndude.
Haa juuti, ndu wi'i : « Bojel, yaaw e am hol
ko suudii doo ? »
Bojel wi'i mo : « Dum doo dey, soomi ko
karalle kese potde huutoreede.
E oo doo sahaa tolnaado, edum walliti
aduna oo hannde e jahrugol yeeso.



Kala noon belsindiido haa dadaa e majcum,
yoo anndu won ko boccitoraa. »
Bojel udditi bakanel, be tiimi heen, woodi
do o boddi, binndi njalti.
Fowru denyii, fawi junngo e hunuko mum,
futtini gite, fuddii haaweede dum.
Bojel wi'i ndu : « Ko binndi tan nji'-daa,
won ko heddii haa heewi.
Hay nate, gede godde maa njaltu heen,
ko kuutorgal jahdungal e jamaanu.



Ko d̄um karallaagal ngal hono mum alaa,
ina feertina hakkille, ina findina.
Anndude d̄um buri humpeede, wi'aa kala
ko bannde en puuyri daayru d̄um. »
Bojel ina jokki haalde bure de dee karalle
kese mbaawi waylirde nguurndam.
Haa teeŋti noon e kambe, be nganndu-d̄aa
yooro ngoo sarii d̄umen kadi.
Gure mabbe ngoddondirii, hay gooto
anndanaa banndum, nanantaa d̄um,
ko huunde muusnde.



Bojel ina faamna Fowru, o wi'i : Won
gannde laabtude baawde hebeeide doo.
Etee, so de kuutoraama ina mbaawi en
yaltinde e kaa ngaanumma mbonka.
Wallata en noon, ko mbaden feere haa
koreeji men e hoddiibe nana.
Nanngen ñalawma, enen fof kawren doo
e galle maa hee, be kaalanee.
E oon sahaa, gooto kala maa waaw addude
heen ko foti wallitde. »



Be nanondiri doon e haala tan, yahi haa
weeti Fowru dawi.

Ndu naati e nokkuuji kulle, endu yettina
koreeji e hoddiibe bee kabaaru.

Alaa do ndu heddi, do ndu ñalli fof e nokku,
been njaba.

Ndu hirnda faade nokku goddo, ndu
yettina dumen kabaaru oo, been mbeltoo.
Noon noon tan, haa nokkuuji dii fof nandi
tobbere jogornde yeewteede ndee.



Ñalawma nanngaado ina wadee batu oo,
e to hawrittee too fof anndaa.

Oon sahaa noon, tawi ko Bojel ina heddii
galle Fowru ina golloo.

Ndu arti, tawi Bojel heblii no haala kaa foti
yahrude haa faamee.

Fowru e Bojel njoodtodii, gooto fof reftanii
goddo oo ko gollii koo.

Kambe dido fof, ebe ðaminii maa batu
nguu yahru no haanirta nii.



Hankadi haa ñalawma faandii, ñiibi,
baroodé, girji, baadí, lelli, kulle fof ngari.
Fowru e Bojel njabbii kulle d'ee,
d'e mbadanaa teddungal mawngal no feewi.
Bojel wi'i ndu ko anniyii safde koo dey,
so fasii tan uurat.
Garal majji holririi ko jogori haaleede e
batu koo ina tiidi di.
Fowru wi'i : « Wadi noon ko tampere ndee
e kumpondiral ngal ina burti. »



Gooto e men kala, hankadi ina yidi heen
yaltude, sabu joote kiisde.

Nalawma oo yetti, kambe fof be kawri do
batetee doo, ebe mbeltii.

Bayrunode yi'ondirde, ina calmondira,
na buucondira, naamnotira, wootere heen
kala ina weltii.

Haa huunde ndee juuti, Bojel wi'i :

« Banndiraabe, eden poti hankadi
fuddaade batu. »

Tan kulle mbi'i cel ndeyyi, gootel heen kala
hucciti e kaaloowo oo.



Bojel yetti konngol, salmini ðe, bismii, yetti
ðe e garal majje joodngal.

O wi'i : « Min noddiri on tan ko jam,
hannde oo, eden ndadaa.

Etee, duum ina beydi cadeele ngonka,
hay so tawii eden njogii finþe.

Eden ngondi e janngube haa heewi,
kono haa jooni won ko ȝakkira-den.

Duum ina jeyaa e sababuuji tampindi en,
caggal muñal fof ko weltaare.



Ina daminaa, so en njaltii e nguu batu,
tawat en njiitii peeje tuugnaade e karalle
kese dee.

Deen peeje noon, ko karalle ballitooje en
heen haa njaltina nafoore.

Duum ko e fannu jaawdo, laabtudo,
to bannge gannde e hiisa kala.

Sukaabe men janngoobe bee, ina mbaawi
heen yettude won e binndande jande.

Duum ina wallita be, e beydaade faamde
ko be njanngata koo.



Dee karalle kese, to bannge bamtaare
nokku, ede mbaawi addude heen safara.
Doo noon, baade dum yettiima en,
ko hooynantenoo, so saamii yo hocce.
Yo taw, dum naftortee ko e sejgo moyyo,
fof keba heen moyyere. »
Haa jooni dey, ko Bojel woni e anndinde be
ko soomii e majjum.
Caggal bure dee, o naatani ḥakkande
karalle kese dee, hol ko mbonnata.



O wi'i kulle dee : « Ngel doo bakanel ngel
nji'aton, ko ordinatoor wi'etee.

Bure kaalaade heen dee fof no mba'i
heewde, ina wadi heen ηakkande.

Gede podde reenteede heen dee ina keewi,
haa teenti noon e sukaabe janngoobe bee.

Deen ngoni : *janngude peeje bonde,*
kuccinoije e jamfa, e bonanndeeji goddi
badeteedi.

E ndabba nafoowa tan, kala ko feewnata,
moyfina nguurndam, ina tawee heen.



Kono, ko selnata laawol, bona ngonka ne,
ina e karalle kese hee.

Heddii, ko durnude mijoo, e anndude ko
foti wadde e lappol nguurndam. »

Bojel yetti kulle dee fof, e kedtagol mumen,
doon o joofniri konngol.

De mbeltii, kelle poðbi, de mbi'i yo Ñiiwa
jaabto e inde majje.

Ba holli Bojel, haala kaa nanaama,
faamaama, jabaama, sabu ko laawol dadal.

Widto e nder enternet



Meedii wadde sahaa gooto, wuro kulle ina
wi'ee Ndobu, ko ngo mawngo sanne.
Kono kulle kodde doon dee, ndonkii
bamtaade, haa teenji noon e ndema.
Ko noon ne ngaynaaka e awo kulle dee fof
ciforinoo. Duum ko ko duumii, wonii duubi
keewdi no feewi, haa wontii ngaanumma.
Ebe ndema no be ndemratnoo, kono alaa
ko joomum'en coñata.



To bannge ngaynaaka too, hay so jawdi
ndii ina samori, kosam alaa.

Awo ngoo, ko noon wa'i, awoobe njaha
maayo gila subaka haa kikiide.


Hay mbaarudi hiraande galle, timmataa,
alaa noon ko haali yedde heen hoddiibe.

Wuro ngoo ko besngo, gure catiide dee ne
ko e maggo ndañatnoo.

Hebee heen gawri, kosam e mbaarudi,
ellee ko ngo jehre deen gure nii.



Wadde, cadeele dee ko ko kuubtidini,
yiilaade peeje yontii, hade burde doo.
Mawdo wuro ngoo, ko Ñiiwa, ba noddi
batu, ngam yidde yeeewde peeje.
Hodbe e maggo bee fof, alaa keddiido,
ndenti do batirde wuro doo.
Nde wonnoo ngoya kaa ko ko hawridini,
ebe poti nanondirde ko yaawi.
Ñiiwa udditi batu, salmini, bismii, haali hol
ko saabii jodnde ndee.



Ba wi'i : « Gooto fof ina waawi addude
heen mijo haa damal dañee.
Hay gooto feere mum yawaaka,
yo won tan ko moy'i, ko rentinta.
Kala ko renti, nanondiri, heba semmbe no
habtorii cadeele de hawrata. »
Konngol arti e Mbaroodi : « Kañum ne,
caggal calminaali, ndi holliti, darnde alaa. »
Mbaroodi wi'i : « Haa buuba woddanii
keyduđo, loritino-den ko e ndoolon men.



Jooni dum nattii yonde, a remat ngesa,
coñaa tawa wuurataa ma hitaande.
Njogo-daa kolce noogaas tawa besdi buri
heewde, kono a birataa heen hiraande.
To bannge awo, wonaa tan liddi ngalaa,
kono hay maayo ustiiima ndiyam.
Do dogee wadii, do huccee alaa, so tawii
dum ummanaaka, gure pusat. »
Njambala yetti konngol, wi'i : « Kañum
hakkille mum nanngi ko yo anndube nodde.



Be kollitee, haawnaaki wooda peeje
dokkaade, walla laabi lelnaadi, haa dee
cadeele ndunjtoo. »

Lella ñaagii konngol wi'i : « Dum fof ina
moyy'i kono yo sukaabe kebloye.

So ngartii, wonana en ngartam, tawa so en
cokloyii kadi en ndaartoystaa. »

Tan kulle bamti : « Eey ina moyy'i. »

Hebloyteebe cubaa : Cewngu, Jihr e,
Ngirja, Bojel.

Be nawaa wuro ina wi'ee Manga, sabu oon
nokku ina huutorii widtooji.



Heblo ngoo jokki, sahaa kala, be njiilnee e
saraaji wuro hee.

Be nji'a waylooji dii, ebe naamnondira,
mbele nokku mabbe maa wa'oy nii.

Nde heblo ngoo joofi, ñalaande yubbinaa,
be tottaa kaayitaaji ceedtotoodi be
mbaawii.

Weeti, be kooti wuro mabbe Ndobi,
nde be njettii ndee, be njabbaa.

Jabbgungal joodngal, kulle fof njalti,
ina ngondi e weltaare mawnde no feewi.



Be ñalli galle mawdo wuro, teddini be e
innde nokku oo fof.

Be pooftii balde, mawdo wuro yeewtidi e
wallidiibe mum, ngam yubbinde pottital.

Ngaal kawral, ko wuro waddata e sukaabe
mum hebloyanoobe to Manga bee.

Ñalawma nanngaa, hay gure catiide dee
fof, kaalanaa yo tawtore dum.

Kala tan kaalanaado, wi'a kañum kay,
luutetaake dum so ina wuuri.




Ñalawma oo yetti, be kawriti, wuro heewi
hodðe, Ñiiwa jabbii be.

E innde wuro ngoo, o hooliri weltaare,
o bismii be.

Sukaabe hebloyanoobe bee ne, hono.
Cewngu, Jihre, Ngirja, Bojel, njettiima
batu nguu.

Mawdo wuro yetti konngol, wi'i : « Oo doo
ñalawma ko tesketeedo e ñalawmaaji hee.
Sabu cadeele guuraade dee ina muusi,
kono eden ðaminii, booyataa de cafroo.



Sukaabe men hebloyanoobe bee, ngartii, ebe
ngaddori ganndal ngal be njannginaa ngal.
So wa'ii no foti waade nii, d'am nguurndam
wayloto, so eden njedaa. »

Kelle pobbi, batu nguu jirwi, yaakaare
moyyere arti e berde mabbe.

Ñiiwa wi'i : « Maa en ndokku konngol gooto
e nelaabe gure catiide dee.

Kañum'en ne, ko e wuro hee coodatnoo
nguura e gede godde. »



Oon fuddorii salminaango e njettoor
kuccudo e mawdo wuro e tawtoraabe.
« Oo jam gondo e laawol, yo yetto, tawra
en cellal e kisal.
Mo yidi maaybe ngarta fof, baayo buri,
minen hodbe e gure catiide.
Mo yidi ndañon fof, ko minen buri dum
yidde, doo min ndawata.
So min njettiima, min tawa doo gawri,
maaro e ko yahdata heen.



Sewosewo, liddi, teewu, nebam, e kala ko
nanndi heen, haa moyya.

Duum holliri tan, gure catiide dee, njowitii
ko e wuro Ndoru ngoo.

Wadde kay, so cadeele naatii Ndoru,
ko minen ngadotoo dum tinde. »

Waali-wuro'en bee, mbeltii e haala makko
njoodka, peewka, tiidnoowa koddigal.

Hankadi noon fa'aa ko e hedtaade sukaabe
yahnoobe heblo to wuro Manga.



Batu fof ummii darii, ina fobbana bee
sukaabe : Cewngu, Jihre, Ngirja, Bojel.
Ko kambe keblanoo, e ganndal widto e
nder enternet ngam bamtaare nokku.
Ko Jihre adii totteede konngol, yo haal,
nde salmini batu nguu.

Widto mayre, yahri ko to bange ndema,
nde holliti : « Won no ndemratno-den.
Oon fannu ndema bonaano, sabu ina
dañetenoo e makka gawri, ñebbe, podde,
ekn.



Besnguuji nguura heen, soklaaji e gede
renndo fof mbadee, jokkere endam e diine.
E oo doo sahaa, ko heewi heen nattii, won e
majjum ko enen.

Bannge goddo oo, ko waylowaylo weeyo,
to ndema jeeri e to waalo.

Ina teskaa ndunngu nguu no wa'ata
famduude ndiyam, so jabbaama heewaani
soñeede.

To waalo too ne, e oo sahaa pale naatdataa
saka kollalle ndemee.



Wadde, hol to dogantee ? Ko to widtooji
e peeje, gannde ndema.
Duum doon, ina waawi yiiteede e ko wi'etee
enternet koo, ina wallita.
No ndiyam ñakkirta nii, won aawdi ngoodndi
so ndi aawaama, maa soñe.
E balde dabbe, no ndiyam waawi fotde fof,
yalti ko e widtooji.
Haa teenji noon e gawri, maaro, layanteeri,
ledde ñaameteede, e ko nanndi heen. »
Jihre joofni haala mum, Bojel yetti konngol,
salmini, naati e fannu mum.



O hollii widto to bannge ngaynaaka,
ina wi'ee na'i nattii heewde kosam.
Won birooji hannde oo, ko buri liiteruuji
sappo, subaka e kikiide fof.
To awo, ko Cewngu wiftunoo, haali,
ganndal nehgol liddi haa di ñaamna.
Di mbadantee ko wiiduru, waddee ndiyam,
di mbadee heen haa di mawna.
Ngirja ko e taariindi heblaa, ba reentini ko
feyyere heewnde bonnata koo.

Portaab Boy



Rawaandu yahi ñalnde to sehil mum Boy,
tawi noon ko be wayrondirbe.

Duum addi kumpa mawka hakkunde
mabbe, nde wonnoo cehilaagal ngal ko
booyngal.

Etee, be tawri dum ko jinnaabe mabbe
dido, nguuri haa maayi, ceertaani.

Kambe ne, ko heen be njidi mahaade haa
do nguurndam mabbe haadi.

Duum kadi, ko noon be ndontiri dum e
juude jibinbe be bee.



Ko hono noon be njidiri sukaabe mabbe bee
ne ndontira cehilaagal ngal.

Baade be koddaani, ebe njidi jokkondiral
duumingal wona hakkunde besnguuji mabbe.
Alaa e sago, wooda ko tabitini ndeen yidde
haa dum waawa laataade.

Rawaandu wi'i : « Boyi, ko men koo, nattii
hay wonde cehilaagal, wontii endam.

Wadde, kala ko ina ñiibna dum, maa mi
daro heen haa dañee.



Tawde ko miin hodí wuro, haawnaaki mi
yiitana dum feere hankadi. »

Boy wi'i gaa ga woni, won ko soklata,
kono kam arataa wuro.

Moy'ata ko tawa omo daña yiide
Rawaandu, mbele oon haaju ina humtoo.
Ko goonga, sabu won ko heewi ḥakkirde on
gaa, tawa ina wuro.

Ko wa'i no murotoode, jaabe, heen sahaa,
ellee ndiyam ne ina ḥakka.



Doon tan Boyi, moosi, yiili hoore, wi'i :
« Ah, Rawaandu siftinii kam.
Konngi di keewnoo-mi nande e taani am,
ko booyi no feewi. »

Rawaandu yeewi Boyi, wi'i : « Holi diin e
majji kadi, laare giyi am. »

- Taani am wi'i : « *Muusi dum ko do
mucceteede ngoni doo, ndiyam alaa doon.
Do ndiyam dam woni doo, muccteede
dee ngalaa doon, duum ina aanni.* »



Boy jokki : « Ina wada sahaa, muccteede
e ndiyam burata weebde ko wuro. »

Rawaandu wi'i : « Hankadi nani hiira, faati
ko wuro, etee ina woddi. »

Boy wi'i : « Rawaandu, jooni noon, mande
ngartataa gaa ? »

Ndu wi'i : « Booyataa. »

Di mbaynondiri, Rawaandu hooti wuro,
yettii toon kikiide kiirdo, naange ina muta.
Haa woni lewru, Rawaandu noon, sahaa
kala ina yahndoo e wuro hee.



Wadi subaka gooto, endu yahndoo faade
jehre wuro, woodi mo ndu hawri.

Oon ina takki sammeere junngo mum e
hakkille, ina haalda e hoore mum.

Ndu dartii, endu yeewa, ndu mijii, oo kam
mbele ina yoyi ?

Nde oon gasni haalde tan, ndu yi'i oon ina
tami huunde famarde.

Kono ndu anndaa, hol ko dum woni, doon
tan haa goddo yettii.



Omo wi'a d̄um, ko Hammadi kaaldat-mi
jooni, omo salmine.

God̄do oo wi'i : « Haa jooni ko Dewa-Joldo
tan o woni walla ? »

Doon Rawaandu anndi, won mo o
haaldatnoo, mijo ruttii to Boy.

Ndu faami, so ndu hebii d̄um, jooni kumpa
iwa hakkunde sehilaabe woddondirbe.

Dum wonti ngoy'a mayru, tawi ndu nanii,
wi'etee ko noddirgel walla portaabal.



Tiidiino, muusiino, kono ndu wattini dañde
didi, kayru noddirlgel, sehil mayru noddirlgel.
Ndu woowi dum no feewi haa ndu anndi
heen ko heewi.

Doon, ndu felliti ruttaade to sehil mayru,
endu wondi e weltaare mawnde.

Nde ndu yettii, tawi endu
addanoriBoyimucceteede e noddirlgel mum.
Be calmondiri haa sadi joofi, be naamnondiri,
cadeele guuraade hannde dee.



Boy wi'i : « A wadii ko mbiinoo-daa koo, mi
weltiima heen. »

Rawaandu hebbiti wi'i, cehilaagal maabbe
ngal, yidaa bonira to bange mum too.

Ndu habbiti saawdu, e yeeso Boyitan, ηaabí
hunuko haawaa, futtini gite.

Rawaandu itti muccteede, fawi e juude
Boy, rutti junngo e saawdu.

Ndu totti Boyiportaab, tan Boyiwi'i :
« Muccetede dee dey, mido anndi.



Kono, ko heddii koo mi anndaa ! »
Rawaandu wi'i : « Boyi d'um ko ko noddirtee.
Faam noon hankadi, kumpa hakkunde men
gasii ! ina hedii kaa haala.
Kala do gooto e mabbe woni e nokkuuji
hee, maa ɓe nanondir.
Rawaandu wi'i : « Hannde oo, neddo fof
ina foti jogaade noddirgel.
Wonaa tan noddude ndee, kono engel
waawi naftoreede e fannuuji keewdi. »



Boy fawi junngu e hunuko, b̄eydii
haaweede dee gede no kaaldetee nii.
Rawaandu ina jokki limtande Boyi nafoore
nde portaabal waawi addande d̄um.
« Eden mbaawi kadi nuldorde heen konngi
dabbi binndaadi walla kedteteedi gittooji
kumpa.
Won e majji, ina mbaawi yettude e nelidue
nate laabtude cer.
Ada waawi heen nelidue e neldireede
kaalisaaaji ne, tawa cadeele ngala.



Ina heen yettooji haala e jimdi, piila lefol
nate baawngol innireede natol.
Sukaabe janngoobe bee e ko'e mumen ina
nganndi nafooje portaabal ina keewi.
Portaabla noon ina waawi wallitde no
feewi, so huutororaama no moyyirta nii. »
Hankadi kam Boyi anndii, haajuuji mum
keewdi maa cafroro e ngel noddirgel.
Ellee ko kañum wadanaa ngel noddirgel e
nder ndee ladde yeewnde.



No nde wa'i yaajde nii, so hebii dūm,
moyyat e mum.

Ko fartaŋje mawdo no feewi, sabu o dañii
yaakaare wurdude no newii.

Boy wi'i ko hakkunde mum e Rawaandu
koo, wonaa tan cehilaagal.

Ko endam, o nanngiri hannde Rawaandu,
ko biddo yumma tigi rigi.

O waawataa wostondirde mo e hay gooto
e aduna, e nguurndam makko.



Rawaandu jokki haala mum, ndu yetti tawo
Boyi e konngudi mum moyyi.

Ndu holliti kadi huunde wodnde fotnde
reenteede, portaabal yo huutorore
e peewal.

Haa teenti noon, to sejgo huutortoobe
portaab to banne jamfa kaalisaaji.

Janngoobe gila e dudé mawde, haa e
tokoose fof, ebe poti reentaade.

Sabu dum bonnanii sukaabe heewbe jañde
mumen, haa won heen nii sokaabe.



Won do dum renndini yimbe, tayi
endameeje, bonni dewle ; teeylo-den
e majcum.

Boy wi'i : « Portaabali arii, etee ko ko jogori
yaajde e nokku hee. »

Boy ina yidnoo dii haalaluji moyyi
kaalaadi e ndee nafoore, hoddiibe nana
heen.

Maa dum wallit renndo ngoo, annda bure
e yakkande gonde e noddirgel.

Tan Rawaandu jabi ngoon mijo, be pooftii,
Boyi neli sukaabe mum.



O wi'i : « Yo hoddiibe wonbe e nokku bee fof, nootoyo to galle mum. »

Been ne leeltinaani, doon e doon tawi galle heewii sukaabe e mawbe.

Boy hollondiri be e Rawaandu, be calmondiri e mayru, be mbismii ndu.

Ndu reftanii be ko ndu yeewtidnoo e Boyi fof, hoddiibe paami, mbeltii.

Boy yetti Rawaandu, o manti mo, o jaarni hoddiibe makko, batu fusi.

Ce livret décodable gradué a été conçu et imprimé grâce à l'appui généreux du peuple américain à travers l'Agence des Etats-Unis pour le Développement International (USAID).



USAID
DU PEUPLE AMERICAIN